



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola X. Gregorii Papae I. Ad Agnellvm Episcopvm De Arimino. De
praeposito ordinando, & cura monasterii.

urn:nbn:de:hbz:466:1-15221

EPISTOLARVM LIBER VI. 539

re. Ideoque coram extraneis antiquorum dicta legite, ex quorum auctoritate valeant qui audierint informari.

EPISTOLA X.

GREGORII PAPÆ I.

AD AGNELLVM EPISCOPVM DE ARIMINO.

De præposito ordinando, & cura monasterii.

Gregorius Agnello episcopo de Arimino.

FILIO nostro Secundino seruo Dei renuntiante didicimus, quod dilectio tua præpositum non habens omnino in regendis fratribus elaboret. Si ergo qui vos ex ordine sequitur talis est ut circa cellæ ordinationem fratrumque custodiam, nec non & in lucrando animabus foliis valeat inueniri, is debet ad hunc locum incunctanter accedere. Si vero talis non est, qualem locus exposcit, de quolibet etiam ultimo gradu, si talis inter fratres, Domino protegente, fuerit repertus, qui vitæ meritis dignum conuersationis suæ præbeat documentum, diuinique in eo timoris vigor inuigilet, huius non locus, sed est vtilitas profecto prouidenda, ut tali exemplo ad bonæ imitationis normam cuncti se fratres extendant, nec eos adhuc locus inferior ad bene operandum tepidos reddat, dum in illo qui profecerit, de præsenti quod imitantur aspiciunt. Dilectioni quapropter tuæ in hac ordinatione sit nulla dubietas, quod non locus, sed actio apta perquiritur; quia & ante Deum ille prioris obtinet locum, qui in eiusdem oculis, etiamsi hic abiectus sit, bona actionis instrumento placuerit. Circa fratres namque solicita vos, sicut confidimus, decet inuigilare custodia, ne a recto conuersationis itinere per illicitas euagando cogitationes exorbitent, atque inimico per inertem custodiam irruptionis aditum præstent. Sed eos orationi decet instantius adhaerere, quantum pia copta eorum, suæ propitiationis dono perficiant, & imperfecta ad cumulum faciant perfectionis ascendere.

Concil. Tom. 13.

Yyy ij

